

稼

軒

長

短

句

余素不解詞而所藏宋元諸名家詞獨富如汲古閣珍藏祕本書目中所載原稿皆在焉然皆精抄舊抄而無有宋元槧本頃泛郡故家得此元刻稼軒詞而歎其珍秘無匹也稼軒詞卷帙多寡不同以此十二卷者為最善毛氏亦從此鈔出惜其行款體例有不同耳澗蘋據毛抄以增補闕葉非憑空撰出者可比而洞仙歌中缺一字抄本亦無因以墨釘識之其十一卷中四之五一葉亦即是卷七之八一葉之例非文有脫落而故強就之也是書得此補足幾還舊觀至于是書精刻純乎元人松雪翁書而俗子不知妄為描寫可謂浮雲之污甚至強作解事校改原文如卷十中為人慶八十席上戲作有云人間八十最風流長貼在兒兒額上校者云下兒字當作孫澗蘋以為兒或是奴家之稱二語

之意當以八字作眉字解知此則改兒為孫豈不大可笑乎本  
擬減此幾字恐損古書故凡遇俗手描寫處皆不減其痕後  
之明眼人當自領之

嘉慶己未

黃丕烈識

稼軒長短句目錄

卷之一

哨遍

三

六州歌頭

一

蘭陵王

二

賀新郎

二十二

卷之二

念奴嬌

十九

沁園春

十三

卷之三

水調歌頭

三十五

玉胡蝶

二

卷之四

滿江紅 三十三

木蘭花慢 五

卷之五

水龍吟 十三

摸魚兒 三

西河 一

永遇樂 五

歸朝歡 四

一枝花 一

喜遷鶯 二

瑞鶴仙 三

聲聲慢 四

卷之六

八聲甘州 二

雨中花 二

漢宮春 六

滿庭芳 四

六么令 二

醉翁操 一

醜奴兒近 一

洞僊歌 七

驀山溪 二

最高樓 八

上西平 二

卷之七

新荷葉 六

御街行 二

祝英臺近 二

婆羅門引 五

千年調 二

粉蝶兒 一

千秋歲 一 江神子 十二

青玉案 一 感皇恩 五

行香子 四 一翦梅 二

踏莎行 四

卷之八

定風波 十一 破陣子 五

臨江僊 二十四 蝶戀花 十二

小重山 三 南鄉子 五

卷之九

鷓鴣天

六

瑞鷓鴣

五

卷之十

玉樓春

十七

鵲橋仙

七

西江月

十五

朝中措

六

清平樂

十五

好事近

四

卷之十一

菩薩蠻

卜算子

十三

醜奴兒

八

浣溪沙

十五

添字浣溪沙

虞美人

四



浪淘沙 三  
減字木蘭花 三

卷之十二

南歌子 三  
醉太平 一

漁家傲 一  
錦帳春 一

太常引 四  
東坡引 三

夜遊宮 一  
戀繡衾 一

杏花天 三  
唐河傳 一

醉花陰 一  
品令 一

惜分飛 一  
柳梢青 三

河清神

一

武陵春

二

謁金門

三

酒泉子

一

霜天曉角

二

點絳脣

二

生查子

十

尋芳草

一

阮郎歸

一

昭君怨

三

烏夜啼

三

一落索

二

如夢令

一

憶王孫

一

稼軒長短句目錄

稼軒長短句卷之一

哨遍

秋水觀

蝸角闢爭左觸右蠻一戰連千里君試思  
方寸此心微總虛空并包無際喻此理何  
言泰山毫末從來天地一稊米嗟小大相  
形鳩鵬自樂之二蟲又何知託跡行仁義  
孔丘非更殤樂長年老彭悲火鼠論寒水  
蠶語熟定誰同異噫貴賤隨時連城總

換一羊皮誰與齊萬物莊周吾夢見之正  
商略遺篇翩然顧笑空堂夢覺題秋水有  
客問洪河百川灌雨淫流不辨涯涘於是  
爲河伯欣然喜以天下之美盡在已渺滄  
溟望洋東視陵迴向若驚嘆謂我非逢子  
大方達觀之家未免長見悠然笑耳此堂  
之水幾何其但清溪一曲而已

用前韻

一壑自專五柳笑人晚乃歸田里問誰知

幾者動之微望飛鴻冥冥天際論妙理濁  
醪正堪長醉從今自釀躬耕米嗟美惡難  
齊盈虛如代天耶何必人知試回頭五十  
九年非似夢裏歡娛覺來悲愛乃憐蛇穀  
亦亡羊算來何異 嘻物諱窮時豐狐文  
豹罪因皮富貴非吾願皇皇乎欲何之正  
萬籟都沈月明中夜心彌萬里清如水却  
自覺神游歸來坐對依稀淮岸江溪看一  
時魚鳥忘情喜會我已忘機更忘已又何

二五九  
曾物我相視非魚濠上遺意要是吾非子  
但教河伯休慙海若小大均為水耳在間  
喜愠更何其筴先生三仕三已

趙昌父之祖季思學士退居鄭  
圃有亭名魚計宇文邕通為作  
古賦今昌父之弟成父於所居  
鑿池築亭榜以舊名昌父為成  
父作詩屬余賦詞余為賦哨遍  
莊周論於蟻奔知於魚得計於

羊弃意其義美矣然上文論虱  
託於豕而得焚羊肉為蟻所慕  
而致殘下文將併結二義乃獨  
置豕虱不言而遽論魚其義無  
所從起又間於羊蟻兩句之間  
使羊蟻之義離不相屬何耶其  
必有深意存焉顧後人未之曉  
耳或言蟻得水而死羊得水而  
病魚得水而活此最穿鑿不成



義趣余嘗反覆尋繹終未能得  
意必必有能讀此書而了其義  
者他日倘見之而問焉姑先識  
余疑於此詞云爾

池上主人人適忘魚魚適還忘水洋洋乎  
翠藻青萍裏想魚兮無便於此嘗試思莊  
周正談兩事一明豕虱一羊蟻說蟻慕於  
羶於蟻弃知又說於羊弃意甚虱焚於豕  
獨忘之却驟說於魚為得計千古遺文我

不知言以我非子 子固非魚噫魚之為  
計子焉知河水深且廣風濤萬頃堪依有  
網罟如雲鵜鶘成陣過而留泣計應非其  
外海茫茫下有龍伯飢時一啖千里更任  
公五十牻為餌使海上人人厭腥味似鷗  
鵬變化能幾東遊入海此計直以命為嬉  
古來謬算狂圖五鼎烹死指為平地嗟魚  
欲事遠遊時請三思而行可矣

六州歌頭

屬得疾暴甚醫者莫曉其狀小  
愈困卧無聊戲作以自釋

晨米問疾有鶴止庭隅吾語汝只三事太  
愁予病難扶手種青松樹碍梅塢妨花迳  
繞數尺如人立却須鋤 秋水堂前曲沼  
明於鏡可燭眉鬚被山頭急雨耕壘灌泥  
塗誰使吾廬映汚渠 嘆青山好簷外竹  
遮欲盡有還無荆竹去吾卜可食魚魚愛  
扶疎又欲為山計千百慮累吾躬 凡病

此吾過矣子奚如口不能言臆對坐廬扁  
藥石難除有要言妙道事見七發往問北山愚  
庠有瘳乎

蘭陵王

賤一丘一壑

一丘壑老子風流占却茅簷上松月桂雲  
脉脉石泉逗山脚尋思前事錯惱煞晨猿  
夜鶴終須是鄧禹輩人錦繡麻霞坐黃閣  
長歌自深酌看天闊鳶飛淵靜魚躍西

風黃菊香噴薄悵日暮雲合佳人何處紉  
蘭結佩帶杜若入江海曾約 遇合事難  
托莫擊磬門前荷蕢人過仰天大笑冠簪  
落待說與窮達不須疑看古來賢者進亦  
樂退亦樂

己未八月二十日夜夢有人以石  
研屏見饒者其色如玉光潤可愛  
中有一牛磨角作闔狀云湘潭里  
中有張其姓者多力善闔號張

難敵一日與人搏偶敗忿赴河而  
死居三日其家人來視之浮水上  
則牛耳自後並水之山往有以  
石或滑之里中輒不利夢中異  
之爲作詩數百言大抵皆取古  
之怨憤變化異物等事覺而忘  
其言後三日賦詞以識其異

恨之極恨極銷磨不得甚弘事人道後未  
其血三年化爲碧鄭人緩也泣吾父攻儒

助墨十年夢沈痛化予秋柏之間既為實  
相思重相憶被怨結中腸潛動精魄望  
夫江上巖巖立嗟一念中變後期長絕君  
看啓母憤所激又俄頃為石 難敵最多  
力甚一恣沉淵精氣為物依然困闕牛磨  
角便影入山骨至今雕琢尋思人世只合  
化夢中蝶

賀新郎

賦水仙

雲臥衣裳冷看蕭然風前月下  
水邊幽影羅襪生塵凌波去  
湯沐煙波萬頃愛一點  
嬌黃成暈不記相逢曾解佩  
甚多情為我香成陣待和淚  
收殘粉靈均千古懷沙  
恨記當時匆匆忘把此僊題  
品烟雨淒迷僊僊損翠袂搖  
搖誰整謾寫入瑤琴幽憤  
絃斷招魂無人賦但金杯的  
爍銀臺潤愁殢酒又獨醒

賦海棠



著厭霓裳素染燕脂苧羅山下浣沙溪渡  
誰與流霞千古醞引得東風相誤從史入  
吳宮深處鬢亂釵橫渾不醒轉越江剡地  
迷歸路煙艇小五湖去 當時倩得春留  
住就錦屏一曲種種斷腸風度總是清明  
三月近須要詩人妙句接援筆慙慙為賤  
十樣蠻牋紋錯綺繁珠璣淵擲驚風雨重  
喚酒共花語

賦滕王閣

高閣臨江渚訪魯城空餘舊迹黯然懷古  
畫棟朱簾當日事不見朝雲暮雨但遺意  
西山南浦天宇脩眉浮新綠映悠悠潭影  
長如故空有恨奈何許王郎健筆誇翹  
楚到如今落霞孤鶩競傳佳句物換星移  
知幾度夢想珠歌翠舞為徒倚闌干凝竚  
目斷平蕪蒼波晚快江風一瞬澄襟暑誰  
共飲有詩侶

賦琵琶

鳳尾龍香撥自開元霓裳曲罷幾番風月  
最苦潯陽江頭客盡舸亭亭待發記出塞  
黃雲堆雪馬上離愁三萬里望昭陽宮殿  
孤鴻沒絃解語恨難說 遼陽驛使音塵  
絕瑣窗寒輕攏慢撚淚珠盈睫推手含情  
還却手一抹梁州哀澈千古事雲飛煙滅  
賀老定場無消息想沉香亭北繁華歇彈  
到此為嗚咽

又

柳暗凌波路送春歸猛風暴雨一番新綠  
千里瀟湘蒲萄漲入解扁舟欲去又檣燕  
留人相語艇子飛來生塵步唾花寒唱我  
新番句波似箭催鳴櫓黃陵祠下山無  
數聽湘娥泠泠曲罷爲誰情苦行到東吳  
春已暮正江闊潮平穩渡望金雀觚稜翔  
舞前度劉郎今重到問玄都千樹花存否  
愁爲倩公絃訴

陳同父自東陽來過余留十日

與之同游鵝湖且會朱晦庵於  
紫溪不至飄然東歸旣別之明  
日余意中殊戀戀復欲追路至  
鷺鷥林則雪深泥滑不得前矣  
獨飲方村悵然久之頗恨挽留  
之不遂也夜半接宿吳氏泉湖  
四望樓聞鄰笛悲甚爲賦乳燕  
飛以見意又五日同父書來索  
詞心所同然者如此可發一笑

把酒長亭說看淵明風流酷似卧龍諸葛  
何處飛來林間鵲蹙踏松梢殘雪要破帽  
多添華髮賸水殘山無態度被疎梅料理  
成風月兩三鴈也蕭瑟 佳人重約還輕  
別悵清江天寒不渡水深冰合路斷車輪  
生四角此地行人銷骨問誰使君來愁絕  
鑄就而今相思錯料當初費盡人間鐵長  
夜笛莫吹裂

同父見和再用韻答之

老大那堪說似而今元龍臭味孟公瓜葛  
我病君來高歌飲驚散樓頭飛雪笑富貴  
千鈞如髮硬語盤空誰來聽記當時只有  
西窗月重進酒換鳴瑟 事無兩樣人心  
別問渠儂神州畢竟幾番離合汗血鹽車  
無人顧千里空收駿骨正目斷關河路絕  
我最憐君中宵舞道男兒到死心如鐵看  
試手補天裂

用前韻贈金華杜仲高

細把君詩說恍餘音鈞天浩蕩洞庭膠葛  
千丈陰崖塵不到唯有層冰積雪乍一見  
寒生毛髮自昔佳人多薄命對古來一片  
傷心月金屋冷夜調瑟 去天尺五君家  
別看乘空魚龍慘淡風雲開合起望衣冠  
神州路白日消殘戰骨嘆夷甫諸人清絕  
夜半狂歌悲風起聽錚錚陣馬簷間鐵南  
共北正分裂

三山雨中游西湖有懷趙丞相



經始

翠浪吞平野挽天河誰來照影臥龍山下  
煙雨偏宜晴更好約略西施未嫁待細把  
江山圖畫千頃光中堆艷瀕似扁舟欲下  
瞿塘馬中有句浩難寫詩人例入西湖  
社記風流重來手種綠陰成也陌上遊人  
誇故國十里水晶臺榭更複道橫空清夜  
粉黛中洲歌何曲問當年魚鳥無存者堂  
上燕又長夏

和前韻

覓白如東野想錢塘風流處士水仙祠下  
更憶小孤烟浪裏望斷鼓郎欲嫁是一色  
空濠難盡誰解曾中吞雲夢試呼來草賦  
看司馬須更把上林寫雞豚舊日漁樵  
社問先生帶湖春漲幾時歸也為愛琉璃  
三萬頃正卧水亭煙榭對玉塔潏潏深夜  
雁驚如雲休報事被詩逢敲手皆勃者春  
草夢也宜夏

又和

碧海桑成野筈人間江翻平陸水雲高下  
自是三山顏色好更看雨嬌煙嫁料未必  
龍眠能盡擬向詩人求幼婦倩諸君妙手  
皆談馬湏進酒為陶寫回頭鷗鷺瓢泉  
社莫吟詩莫拋尊酒是吾盟也千騎而今  
遮白髮忘却滄浪亭榭但記得灞陵呵夜  
我輩從來文字飲怕壯懷激烈湏歌者蟬  
噪也綠陰夏

別茂嘉十二弟鵲鵲杜鵑實兩

種見離騷補注

綠樹聽鵲鵲更那堪鵲鵲聲住杜鵑聲切  
啼到春歸無尋處苦恨芳菲都歇算未抵  
人間離別馬上琵琶關塞黑更長門翠輦  
辭金闕看燕燕還歸妾將軍百戰身名  
裂向河梁回頭萬里故人長絕易水蕭蕭  
西風冷蒲坐衣冠促雪正壯士悲歌未澈  
啼鳥還知如許恨料不啼清淚長啼血誰

共我醉明月

題趙兼善龍圖東山小魯亭

下馬東山路恍臨風周情孔思悠然千古  
寂寞東家丘何在縹緲危亭小魯試重上  
巖巖高霧更憶公歸西悲日正濠濠陌上  
多零雨嘆費却幾章句 謝公雅志還成  
趣記風流中年懷抱長携歌舞政爾良難  
若臣事晚聽秦箏聲苦快滿眼松篁千畝  
把酒渠垂功名泪筭何如且作溪山主雙

白鳥又飛去

題傅君用山園

曾與東山約爲鯨魚從容分得清泉一勺  
堪笑高人讀書處多少松窗竹閣甚長被  
遊人占却萬卷何言達時用士方窮早與  
人同樂新種得幾花藥 山頭怪石蹲秋  
鷲俯人間塵埃野馬孤撐高攬拄杖危亭  
扶未到已覺雲生兩腳更撥却朝來毛髮  
此地千年曾物化莫呼猿且自多招鶴吾

三  
亦有一丘壑

用韻題趙晉臣敷文積翠巖余  
謂當築陂於其前

拄杖重來約到東風洞庭張樂滿空蕭勺  
巨海拔犀頭角出東向北山高閣尚依舊  
爭前又却老我傷懷登臨際問何方可以  
平哀樂唯是酒萬金藥 勸君且作橫空  
鷲便休論人間腥腐紛紛烏攫九萬里風  
斯在下翻覆雲頭雨脚快直上崑崙濯髮

好卧長虹陂十里是誰言聽取雙黃鶴推  
翠影浸雲壑

韓仲止判院山中見訪席上用

前韻

聽我三章約

用世說語

有談功談名者舞談經

深酌作賦相如親滌器識字子雲投閣算

枉把精神費却此會不如公榮者莫呼來

政爾妨人樂鑒俗士苦無藥當年衆鳥

看孤鶻意飄然槎空直把曹吞劉攫老我



山中誰來俸須信窮愁有脚似剪尽還生  
僧髮自斷此生天休問倩何人說與乘軒  
鶴吾有志在丘壑

邑中國亭僕皆為賦此詞一日  
獨坐停雲水聲山色競來相娛  
意溪山欲援例者遂作數語庶  
幾彷彿淵明思親友之意云

甚矣吾衰矣悵平生交遊零落只今餘幾  
白髮空垂三千丈一笑人間萬事問何物

能令公喜我見青山多嫵媚料青山見我  
應如是情與貌略相似一尊搔首東窗  
裏想淵明傳雲詩就此時風味江左沈酣  
求名者豈識濁醪妙理回首叫雲飛風起  
不恨古人吾不見恨古人不見吾狂耳知  
我者二三子

再用前韻

鳥倦飛還矣笑淵明筍中儲粟有無能幾  
蓮社高人留翁語我醉寧論許事試沽酒

重斟翁喜一見蕭然音韻古想東籬醉臥  
參差是千載下竟誰似 元龍百尺高樓  
裏把新詩教勤問我傳雲情味北窗門高  
從拉攏何事須人料理翁曾道繁華初起  
塵土人言寧可用顧青山與我何如耳歌  
且和楚狂子

題傅巖叟悠然閣

路入門前柳到君家悠然細說淵明重九  
晚歲淒其無諸葛惟有黃花入手更風雨

東籬依舊隄頓南山高如許是先生拄杖  
歸來後山不記何年有是中不減康廬  
秀倩西風爲君喚起窮能來否鳥倦飛還  
平林去雲自無心出岫贖準備新詩幾首  
欲辨忘言當年意慨遙遙我去羲農久天  
下事可無酒

用前韻再賦

附後俄生柳嘆人生不如意事十常八九  
右手淋浪才有用閑却持螯左手謾羸得

傷名感舊投閣先生惟寂寞爰是非不了  
身前後持此語問烏有 青山幸自重重  
秀閣新來蕭蕭木落頗堪秋否總被西風  
都瘦損依舊千崑萬岫把萬事無言撥首  
翁比集儂人誰好是我常懷我周旋久寧  
作我一杯酒

巖和之好古博雅以巖本莊姓  
取蒙莊子陵四事曰濶上曰濶  
梁曰齊澤曰巖瀨為四圖屬余

賦詞予謂蜀君平之高揚子雲  
所謂雖隨和何以加諸者班孟  
堅獨取子雲所稱述為王貢諸  
傳序引不敢以其姓名列諸傳  
尊之也故余以謂和之當併圖  
君平像置之四圖之間庶幾薇  
氏之高節備焉作乳燕飛詞後  
歌之

牒上看垂釣更風涼  
羊裘澤畔精神孤矯

楚漢黃金公卿印比着漁竿誰小但過眼  
纔堪一笑惠子烏知濠梁樂望桐江千丈  
高臺好煙雨外幾魚鳥古來如許高人  
少細平章兩翁似此巢由同調已被堯知  
方洗耳畢竟塵汚人了要名字人間如掃  
我愛蜀莊沈冥者解門前不使徵車到君  
為我畫三老

和徐斯遠下第謝諸公載酒韻  
逸氣軒眉宇似王良輕車熟路驂駒欲舞

我覺君非池中物咫尺蛟龍雲雨時  
嘗命猶須天賦蘭佩芳菲無人問嘆  
靈均欲向重華訴空臺鬱共誰語  
兒曹不料揚雄賦怪當年甘泉謔  
說青葱玉樹風引舡回滄溟闊  
目斷三山伊阻但笑指吾廬何許  
門外蒼官三百輩盡堂堂八尺鬚  
髯古誰載酒帶湖去



稼軒長短句卷之二

念奴嬌

書東涿村壁

野棠花落又匆匆過了清明時節刻地東  
風欺客夢一夜雲屏寒怯曲岸持觴垂楊  
繫馬此地曾輕別樓空人去舊遊飛燕能  
說聞道綺陌東頭行人曾見柔底纖纖  
月舊恨春江滌不斷新恨雲山千疊料得  
明朝尊前重見鏡裏花難折也應驚問近

來多少華髮

登建康賞心亭呈史留守致道  
我來弔古上危樓贏得閑愁千斛虎踞龍  
盤何處是只有興亡滿目柳外斜陽水邊  
歸鳥隴上吹喬木片帆西去一聲誰噴霜  
竹却憶安石風流東山歲晚淚落哀箏  
曲兒輩功名都付夢長日惟消碁局寶鏡  
難尋碧雲將暮誰勸杯中綠江頭風怒朝  
來波浪翻屋

西湖和人韻

晚風吹雨戰新荷  
聲亂明珠套  
壁誰把香奩  
收寶鏡雲錦周遭  
紅碧飛鳥翻空遊  
魚吹浪慣趁笙歌  
席坐中豪氣看君  
一飲千石遙想處  
士風流鶴隨人去  
已作飛僊伯  
翁舍跡離今在否  
松竹已非疇  
昔欲說當年望湖  
樓下水雲寬窄  
醉中休問斷腸  
桃葉消息

和韓南澗載酒見過雪樓觀雪

兔園舊賞悵遺踪飛鳥千山都絕徧帶銀  
杯江上路惟有南枝香別為事新奇青山  
一夜對我頭先白倚窗千樹玉龍飛上瓊  
闕莫惜霧鬢雪鬟試教騎鶴去約尊前  
月自與詩翁磨凍硯看掃幽蘭新闕便擬  
明年人間揮汗留取層冰凜此君何事晚  
來曾為膏折

賦雨巖効朱希真體

近來何處有吾愁何處還知吾樂一點淒

涼千古意獨倚西風寥闊  
五竹尋泉和雲種樹  
噯做真閑箇此心閑處  
未應長藉丘壑  
休說往事皆非而今云是  
且把清樽酌醉裏不知誰  
是我非月非雲非鶴露冷  
松梢風高桂子醉了還醒  
却北窗高臥莫教啼鳥驚  
着

雙陸和陳仁和韻

少年橫槊氣憑陵  
酒聖詩豪餘事袖手旁  
觀初未識兩兩三三而已  
變化須臾鷗翻

石鏡鵲抵星橋外  
搗殘秋練玉砧猶想纖  
指堪笑千古爭心等閑一勝拚了光陰  
費老子忘機渾謾與鴻鵠飛來天際武媚  
宮中常娘局上休把興亡記布衣百萬看  
君一笑沈醉

賦白牡丹和范先之韻

對花何似似吳宮  
初教翠圍紅陣欲笑還  
愁羞不語惟有傾城嬌韻  
翠蓋風涼牙籤  
名字舊賞那堪省  
天香染露曉來衣潤誰

整 鼎愛弄玉團酥就中一朶曾入揚州  
詠華屋金盤人未醒燕子飛來春盡鼎憶  
當年沈香亭北無限春風恨醉中休問夜  
深花睡香冷

和信守王道夫席上韻

風狂雨橫是邀勒園林幾多桃李待上層  
樓無氣力塵滿闌干誰倚就火添衣移香  
傍枕莫捲朱簾趁元宵過也春寒猶自如  
此 為問幾日新晴鳩鳴屋上鵲報喜前

喜揩拭老來詩句眼要看拍堤春水月下  
憑肩花邊繫馬此興今休矣溪南酒賤光  
陰只在彈指

戲贈善作墨梅者

江南盡處墮玉京僊子絕塵英秀彩筆風  
流偏解寫姑射冰姿清瘦笑殺春工細窺  
天巧妙絕應難有丹青圖畫一時都愧凡  
陋還似離落孤山嫩寒清曉祇欠香沾  
袖淡粉輕盈誰付與弄粉調朱纖手疑是



花神招來人世占得佳名久松篁佳韻倩  
君添做三友

韻梅

跡跡淡淡問阿誰堪比天真顏色笑殺東  
君虛占斷多少朱朱白白雪裏溫柔水邊  
明秀不借春工力骨清香嫩迥然天與奇  
絕  膏記寶蘂寒輕瑣窗人睡起玉纖輕  
摘漂泊天涯空瘦損猶有當年標格萬里  
風烟一溪霜月未怕欺他得不如歸去闌

風有箇人惜

瓢泉酒酣和東坡韻

倘來軒冕問還是今古人間何物舊日重  
城愁萬里風月而今堅壁藥籠功名酒壚  
身世可惜蒙頭雪浩歌一曲坐中人物三  
傑休嘆黃菊凋零孤標應也有梅花爭  
散醉裏重揩西望眼惟有孤鴻明滅萬事  
從教浮雲來去枉了衝冠髮故人何在長  
庚應伴殘月

再用韻和洪莘之通判丹桂詞  
道人元是道家風來作烟霞中物翠幃裁  
犀遮不定紅透玲瓏油壁借得春工惹將  
秋露薰做江梅雪我評花譜便應推此為  
傑 憔悴何處芳枝十郎手種看明年花  
發坐斷虛空香色界不怕西風起滅別駕  
風流多情更要簪滿幃娥髮等閑折盡玉  
斧重倩脩月

又

洞庭春晚舊傳恐是人間尤物收拾瑤池  
傾國艷來向朱欄一壁透戶龍香隔簾驚  
語料得肌如雪月奴真態是誰教避人傑  
酒羅歸對寒窗相留昨夜應是梅花蕊  
賦了高唐猶想像不管孤燈明滅半面難  
期多情易感愁點星星髮繞梁聲在為伊  
忘味三月

趙晉臣敷文十月望生日自賦

詞屬余和韻

看公風骨似長松磊落多生奇節世上兒  
曹都蓄縮凍芋旁堆秋餠結屋溪頭境隨  
人勝不是江山別紫雲如陣妙歌爭唱新  
闕 尊酒一笑相逢與公臭味菊茂蘭須  
悅天上四時調玉燭萬事宜詢黃髮看取  
東歸周家孫父手把元龜說祝公長似十  
分今夜明月

和趙國興知錄韻

為沽美酒過溪來誰道幽人難致更覓元

龍樓百尺湖海平生豪氣自嘆年來看花  
索句老不如人意東風歸路一川松竹如  
醉 怎得身似莊周夢中胡蝶花底人間  
世記取江頭三月暮風雨不為春計萬斛  
愁來金貂頭上不抵銀餅貴無多爰我此  
篇聊當賓戲

重九席上

龍山何處記當年高會重陽佳節誰憐老  
兵供一髮落帽參軍華髮莫倚忘懷西風

也解點檢尊前客淒涼今古眼中三兩飛  
蝶 須信采菊東籬高情千載只有陶彭  
澤愛說琴中如得趣絃上何勞聲切試把  
空杯翁還肯道何必杯中物臨風一笑請  
翁同醉今夕

用韻荅傳先之提舉

君詩好處似鄒魯儒家還有奇節下筆如  
神強押韻遺恨都無豪髮炙手炎來掉頭  
冷去無限長安客丁寧黃菊未消勾引蜂

蝶 天上絳闕清都聽君歸去我自癯山  
澤人道君才剛百鍊美玉都成泥切我愛  
風流醉中傾倒丘壑胸中物一杯相屬莫  
孤風月今夕

賦傳巖叟香月臺兩梅

未須草草賦梅花多少騷人詞客揔被西  
湖林處士不肯分留風月跡影橫斜暗香  
浮動把新春消息試將花品細參今古人  
物 看取香月臺前歲寒相對楚兩龔之



潔自典詩家成一種不係南昌僞籍怕是  
當年香山老子姓白來江國謫僊人字太  
白還又名白

余旣為傳巖叟兩梅賦詞傳君  
用席上有請云家有四古梅今  
百年矣未有以品題乞援香月  
堂例欣然許之且用前篇體製  
戲賦

是誰調護歲寒枝都把蒼苔封了第舍疎

離江上路清夜月高山小摸索應知曹劉  
沈謝何況霜天曉芬芳一世料君長被花  
惱惆悵立馬行人一枝最愛竹外橫斜  
好我向東鄰曾醉裏喚起詩家二老拄杖  
而今婆婆雪裏又識商山皓請君置酒看  
集與我傾倒

沁園春

帶湖新居將成

三徑初成鶴怨猿驚稼軒未來甚雲山自

許平生意氣衣冠人笑抵死塵埃意倦須  
還身閑貴早豈為尊羹鱸膾我秋江上看  
驚弦鴈避駭浪船回東岡更葺茅齋好  
都把軒窗臨水開要小舟行釣先應種柳  
疎籬護竹莫礙觀梅秋菊堪餐春蘭可佩  
留待先生手自栽沉吟久怕君恩未許此  
意徘徊

送趙景明知縣東歸再用前韻  
佇立潇湘黃鵠高飛望君未來快東風吹

斷西江對語急呼斗酒旋拂塵埃却怪英  
姿有如君者猶欠封侯萬里我空羸得道  
江南佳句只有方回錦帆畫舫行齋張  
雪浪黏天江影開記我行南浦送君折柳  
君逢驛使為我攀梅落帽山前呼鷹臺下  
人道花須滿縣栽都休問看雲霄高處鵬  
翼徘徊

戊申歲奏邸忽騰報謂余以病  
掛冠因賦此

老子平生笑盡人間兒女怨恩况白頭能  
幾定應獨往青雲得意見說長存抖擻衣  
冠憐渠無恙合掛當年神武門都如夢算  
能爭幾許難曉鐘昏此心無有新冤况  
抱甕年來自灌園但淒涼碩影頻悲往事  
殷勤對佛欲問前因却怕青山也妨賢蹤  
休闢尊前見在身山中友試高吟楚些重  
些招亮

期思舊呼奇獅或云基師皆非

也余考之荀卿書云孫休教期  
思之邨人也期思屬弋陽郡此  
地舊屬弋陽縣雖古之弋陽期  
思見之圖記者不同然有弋陽  
則有期思也槁壤馮成父老請  
余賦作沁園春以證之

有美人兮玉佩瓊琚吾夢見之問斜陽猶  
照漁樵故里長橋誰記今古期思物化蒼  
茫神遊彷彿春興猿吟秋鶴飛還驚笑向

晴波忽見千丈虹霓  
覺來西望崔嵬更  
上有青楓下有溪  
待空山自薦寒泉秋菊  
中涼却送桂棹蘭旌萬事長嗟百年雙鬢  
吾非斯人誰與歸憑闌久正清愁未了醉  
墨休題

答余邦良

我試評君君定何如玉川似之記李花初  
發來雪共語梅花開後對月相思白髮重  
來畫橋一望秋水長天孤鷺飛同吟處看

佩搖明月衣捲青霓 相君高節崔嵬是  
此處耕巖典釣溪被西風吹盡村簫社鼓  
青山留得松蓋雪旗千古愁濃懷人日暮  
一片心從天外歸新詞好似淒涼楚些字  
字堪題

答楊世長

我醉狂吟君作新聲倚歌和之算芳芳定  
向梅間得意輕清多是雪裏尋思朱雀橋  
邊何人會道野草斜陽春燕飛都休問甚



元無霖雨却有晴霓 詩壇千丈崔嵬更  
有筆如山墨作溪看君才未數曹劉敵手  
風騷合受屈宋降旗誰識相如平生自許  
慷慨須乘駟馬歸長安路問垂虹千柱何  
處曾題

靈山齊菴賦時築偃湖未成

疊嶂西馳萬馬回旋衆山欲東正驚湍直  
下跳珠倒瀦小橋橫截缺月初弓老令投  
閑天教多事檢校長身十萬松吾廬小在

龍蛇影外風雨聲中 爭先見面重重看  
爽氣朝來三數峰似謝家子弟衣冠磊落  
相如庭戶車騎雍容我覺其間雄深雅健  
如對文章太史公新堤路問偃湖何日烟  
水瀟瀟

弄溪賦

有酒忘杯有筆忘詩弄溪奈何看從橫斗  
轉龍蛇起陸崩騰決去雪練傾河嫋嫋東  
風悠悠倒影搖動雲山水又波還知否欠

菖蒲攢港綠竹緣坡 長松誰剪差我笑  
野老來芸山上禾算只因魚鳥天然自樂  
非閑風月閑處偏多芳艸春深佳人日莫  
濯髮滄浪獨浩歌裴回久問人間誰似老  
子婆婆

期思卜築

一水西來千丈晴虹十里翠屏喜草堂經  
歲重來杜老斜川好景不負淵明老鶴高  
飛一枝招宿長笑蝸牛戴屋行平章了待

十分佳處着箇茅亭 青山意氣崢嶸似  
為我歸來嫵媚生解頻教花鳥前歌後舞  
更催雲水莫送朝迎酒聖詩豪可能無勢  
我乃而今駕馭鄉清溪上殺山靈却笑白  
髮歸耕

將止酒戒酒杯使勿近

杯汝來前老子今朝點檢形骸甚長年抱  
渴咽如焦釜于今喜眩氣似奔雷汝說劉  
伶古今達者醉後何妨死便埋渾如許嘆

汝於知己真少恩哉 更憑歌舞為媒  
合作人間鴆毒猜 况怨無小大生於所愛  
物無美惡過則為災 望汝成言勿留亟退  
吾力猶能肆汝杯 杯再拜道麾之即去招  
亦須來

城中諸公載酒入山 予不得以  
酒為解遂破戒一醉再用韻  
杯汝知乎酒泉罷侯臨戎乞骸更高陽入  
謁都稱養曰杜康勅筵正得雪雷細數從

前不堪餘恨歲月都將麴蘖埋君詩好似  
提壺却勸沽酒何我君言病室無媒似  
壁上雕弓蛇暗猜記醉眠陶令終令玉泉  
獨醒屈子未免沈菑欲聽公言慙非勇者  
司馬家兒解覆杯還堪笑借今宵一醉為  
故人來用剛原事

壽趙茂嘉郎中時以置乘濟倉  
賑濟里中除直秘閣

甲子相高交首曾疑絳縣老人看長身五

玄鶴般風度方頤鬚傑虎樣精神文爛鄉  
雲詩凌鮑謝筆勢駿駿更右軍渾餘事羨  
佛都夢覺金闕名存 門前父老忻忻煖  
奎閣新褒詔語溫記他年帷幄須依日月  
只今鋤屨快上星辰人道陰功天教多壽  
看到貂蟬七葉孫君家裏是幾枝丹桂幾  
樹靈椿

和吳子似縣尉

我見君來頓覺吾廬溪山美哉悵平生肝

三  
膽都成楚越只今膠漆誰是陳雷搔首踟  
躕愛而不見要得詩來渴望梅還知否快  
清風入手日看千回直須抖擻塵埃人  
怪我柴門今始開向松間乍可從他喝道  
庭中且莫踏破蒼苔宜有文章謾勞車馬  
待喫青芻白飯來君非我任功名意氣莫  
恁徘徊

稼軒長短句卷之二